

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

Stručna služba za zajedničke poslove

Broj: 17-14-8610-40

Sarajevo; ~~08.05.2016~~ godine

Na osnovu člana 25., člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst), na osnovu Rješenja Ureda za razmatranje žalbi BiH broj: JN2-03-07-1-738-11/17 od 03.08.2017. godine, a na preporuku Komisije za ustupanje usluga "Ustupanje usluga operativnih faza (proljetnih i jesenjih) obavezne preventivne sistematske deratizacije na području Kantona Sarajevo za period 2017.-2019. godine" – putem otvorenog postupka sa međunarodnom objavom u ponovnom postupku odlučivanja (Zapisnik o pregledu i ocjeni ponuda broj: 17-14-8610-39 od 30.08.2017. godine, načelnik Stručne službe za zajedničke poslove Kantona Sarajevo, **d o n o s i**:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za ustupanje usluga u otvorenom postupku javne nabavke Ustupanje usluga operativnih faza (proljetnih i jesenjih) obavezne preventivne sistematske deratizacije na području Kantona Sarajevo za period 2017.-2019. godine" i dodjeljuje se ponuđaču **"SANITACIJA" d.o.o. Sarajevo**, prema dostavljenoj ponudi broj: 13-20-04/17 od 05.05.2017. godine u ukupnoj vrijednosti svih jediničnih cijena za zahtijevane vrste preparata za provođenje deratizacije (stavke od 1-4) u iznosu od **512.804,40 KM** bez PDV-a i **599.981,15 KM** sa PDV-om i načinom plaćanja 60 dana.

Član 2.

Prijedlog ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač nije dužan dostaviti originalne dokaze ili ovjerene kopije po članu 45. stav (1) tačka a) do d) Zakona o javnim nabavkama BiH, jer je iste dostavio u svojoj ponudi za predmetne usluge.

Član 3.

Ova odluka objavit će se na web stranici ugovornog organa, [www:http//sszp.ks.gov.ba.](http://sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-8610 od 24.2.2017. godine – "Ustupanje usluga operativnih faza (proljetnih i jesenjih) obavezne preventivne sistematske deratizacije na području Kantona Sarajevo za period 2017.-2019. godine". Javna nabavka je provedena putem postupka: Otvoreni postupak (sa međunarodnom objavom). Procijenjena vrijednost javne nabavke bez PDV-a iznosi 512.820,51 KM.

Za predmetnu nabavku objavljeno je obavještenje o nabavci na portalu javnih nabavki pod brojem: 1230-1-2-23-3-25/17 dana 22.3.2017. godine u 10:32 h i u "Službenom glasniku BiH", broj 21/17 od 24.3.2017. godine.

U skladu sa Pravilnikom o nabavci roba, vršenju usluga i ustupanju radova broj: 17-02-31297 od 24.12.2014. godine, odnosno provođenju otvorenog postupka javne nabavke, Komisija je na osnovu prispjelih ponuda sačinila zapisnik o zaprimanju ponuda i zapisnik o otvaranju ponuda dana 08.05.2017. godine. Za naprijed navedenu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

Rb	PONUĐAČ
1.	"SANITACIJA" d.o.o. Sarajevo
2.	"SANACIJA 3D" d.o.o. Sarajevo i "JU INSTITUT ZA ZDRAVLJE I SIGURNOST HRANE Zenica

U skladu sa Odlukom o pokretanju postupka i stavovima Rješenja Ureda za razmatranje žalbi BiH broj: JN2-03-07-1-738-11/17 od 03.08.2017. godine, Komisija za ustupanje usluga formirana Odlukom broj: 17-05-30813 od 19.10.2016. godine, **u ponovnom postupku odlučivanja, odnosno provjere dokaza za izabranog ponuđača u predmetnom postupku**, sačinila je i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 17-14-8610-39 od 30.08.2017. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dvije (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da je grupa ponuđača "SANACIJA 3D" d.o.o. Sarajevo i "JU INSTITUT ZA ZDRAVLJE I SIGURNOST HRANE" Zenica dostavila nepotpunu ponudu u vezi ispunjenja uslova za tačku 1.5. tačka c) Tenderske dokumentacije broj: 17-14-8610-02 od 02.03.2016. godine, iz razloga što u ponudi nisu dostavljeni certifikati o kvalitetu rodenticida koji će se koristiti u obaveznoj preventivnoj sistematskoj deratizaciji, te se ponuda grupe ponuđača "SANACIJA 3D" d.o.o. Sarajevo i JU INSTITUT ZA ZDRAVLJE I SIGURNOST HRANE Zenica i d.o.o. Sarajevo, isključuje iz postupka evaluacije,
- da ponuda ponuđača "SANITACIJA" d.o.o. Sarajevo ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Naime u skladu sa stavovima Rješenja Ureda za razmatranje žalbi BiH broj: JN2-03-07-1-738-11/17 od 03.08.2017. godine, Komisija je izvršila ponovnu provjeru dokaza po članu 12. Pravilnika o uslovima u pogledu stručne spreme uposlenika, tehničke opremljenosti, prostorija i drugih uslova kojima moraju zadovoljiti zdravstvene ustanove, privredna društva odnosno fizičke osobe – obrtnici za obavljanje dezinfekcije, dezinsekcije i deratizacije ("Sl.novine FBiH" br. 30/16) i uslovima propisanim Tenderskom dokumentacijom broj: 17-14-8610-02 od 02.03.2017. godine. Ugovorni organ je radi provjere navedenih dokaza za ponuđača "Sanitacija" d.o.o. Sarajevo, zatražio pismeno pojašnjenje od FZ MIO/PIO Kantonalne administrativne službe Odsjek za matičnu evidenciju u vezi šifri zanimanja i stručne spreme izvršioca za predmetne usluge. Isto tako je zatraženo i pojašnjenje od ponuđača "Sanitacija" d.o.o. Sarajevo, kako bi Ugovorni organ donio ispravnu i konačnu odluku o izboru najpovoljnijeg ponuđača u ponovnom postupku odlučivanja. FZ MIO/PIO Kantonalna administrativna služba Odsjek za matičnu evidenciju i ponuđač "Sanitacija" d.o.o. Sarajevo su pismeno dostavili tražena pojašnjenja. Ugovorni organ je u okviru svojih mogućnosti i ovlaštenja kroz analizu svakog dostavljenog dokaza pojedinačno i u njihovoj međusobnoj vezi kod ponovne provjere zahtijevanih dokaza, a poštujući propisani zakonski postupak, utvrdio činjenično stanje, odnosno potvrdio kao i u ranijoj odluci pri izboru najpovoljnijeg ponuđača, da je ponuda ponuđača "SANITACIJA" d.o.o. formalno-pravno ispravna za učešće u kvalifikacijama, te da je ista potpuna i da ispunjava sve tehničke i druge uslove propisane od strane ugovornog organa. Pored navedenog, važno je naglasiti da ponuđač "SANITACIJA" d.o.o. Sarajevo posjeduje validno **Rješenje Federalnog ministarstva zdravstva broj: 03-37-649-5/15 od 20.02.2015. godine o odobrenju djelatnosti preventivne dezinfekcije, dezinsekcije i deratizacije koja uključuje upotrebu otrova iz II i III grupe, odnosno da ispunjava sve uslove propisane Pravilnikom o uslovima u pogledu stručne spreme uposlenika, tehničke opremljenosti, prostorija i dr.uslova kojima moraju udovoljavati zdravstvene ustanove, privredna društva odnosno fizička lica-obrtnici za obavljanje ddd.** S tim u vezi, Ugovorni organ je konstatovao da ponuđač "SANITACIJA" d.o.o. Sarajevo ispunjava uslove u skladu sa navedenim rješenjem, te nema nadležnost da vrši ocjenu donesenog rješenja od strane federalnog ministarstva zdravstva.

Uzimajući u obzir da je Komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda u ponovnom postupku odlučivanja.

Tabelarni pregled pristiglih ponuda – rang lista prihvatljivih ponuđača za “Ustupanje usluga operativnih faza (proljetnih i jesenjih) obavezne preventivne sistematske deratizacije na području Kantona Sarajevo za period 2017.-2019. godine”:


R b	PONUĐAČ	Ukupna cijena bez PDV-a (KM)	Ukupna cijena sa PDV-om (KM)	Način plaćanja
1.	"SANITACIJA" d.o.o. Sarajevo	512.804,40	599.981,15	60 dana

U skladu sa kriterijem “ekonomski najpovoljnija ponuda” sa potkriterijima: cijena 80 % i način plaćanja 20%, **ugovor se dodjeljuje ponuđaču "SANITACIJA" d.o.o. Sarajevo u ukupnoj vrijednosti nabavke od 512.804,40 KM bez PDV-a i 599.981,15 KM sa PDV-om (zbir jediničnih cijena sa uslugom za stavke od 1-4).** Za predmetnu nabavku će se zaključiti okvirni sporazum.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama, ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona.

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 5.000,00 KM, u skladu sa članom 108. stav 1. tačka e) Zakona o javnim nabavkama ("Sl.glasnik BiH" broj, 39/14). Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



NAČELNIK
Fikret Jašarević

Prilog:

1. - Zapisnik o pregledu i ocjeni ponuda broj: 17-14-8610-39 od 30.08.2017. godine

Pripremila: Samira Duraković, dipl.iur.

Kontrolisao: Sedin Kozadra, dipl.ecc.

Dostaviti:

1. Svim učesnicima u postupku
2. a/a.